

Baskisk

Ju Sproake fon dät Baskelound is **Baskisk** (in Baskisk *Euskara* of uk *Euskera*, *Eskuara* un *Uskara*). Ju wäd fon uur 700.000 Ljuude in Baskelound boald, do maaste fon him in Noudaast-Spanien. Touhoope mäd dät Spaniske is dät Amtssproake in ju Autonome Meenskup Baskelound.

Dät Baskiske is nit fründ tou dät Indogermaniske as do maaste uur Sproaken fon Europa. Dät is ne isolierde Sproake, dät hat, dät rakt neen historiske Ferbiendenge twiske ju un wäkke uur Sproake, uk wan eenige uumstriedene Ferbiendungen tou do Sproaken fon de Kaukasus foarsloain wuuden. Dät is deeruum muugelk, dät dät ne Uurlieuwjende is fon do Sproaken in Wäästeuropa, do der foar dät Apkuumen fon do indo-europäiske Sproaken boald wuuden.



Prozentsats fon do Ljuude do der Baskisk baale in dät Baskelound (2007)

Geskichte

Dät rakt Spuuren fon Baskisk uut ju roomske Periode in Inskrifte in ju Sproake fon ju roomske Provinz Gallia Aquitania. Die wichtichste Bewies is ne Riege fon latienske Inskriften, ju der uur 400 Noomen änthaalt un deerbie 70 Noomen fon Godde. Do lääse nai, dät deer ne äänge Ferbiendenge waas twiske ju Sproake un dät Baskiske.

Biespiele fon ju Sproake

- Kaixo = Moin
- Eskerrik asko = Tonk
- Ikasle / ak = Student/e
- Euskal Herria = Baskelound
- Euskara = Baskisk
- Eta = un
- Nire Jauna eta nire Jaunko = Min Heer un min God *Woude fon Sankt Thomas in de Bibel*)
- Bai = Jee
- Ez = Noa
- Ikusi arte = Bit uur Moal!
- Egun on = Gouden Mäiden
- Mesedez = Wan Jie wollen (Bitte)
- Barkatu = Äntskeeldenge
- Komunak = Toilette
- Komuna non dago? = Wier sunt do Toilette?
- Non dago tren-geltokia? = Wier is die Boanhoaf?
- Ba al da hotelik hemen inguruan? = Wier is dät naiste Hotel?

- Zorionak = Gouden Uurloof
- Ez dut ulertzen = lek ferstounde nit
- Ez dakit euskaraz = lek baale neen Baskisk
- Ba al dakizu ingelesez? = Baale Jie Ängelsk?
- Zein gut zure izena? = Wät is din Noome?
- Ongi etorri! = Wäilkeemen!
- Egun auf denoi = Älk is wäilkeemen!
- Berdin / Hala zuri ere = un Jie uk
- Jakina! Noski! = Dät is ap Steede!
- Nongoa Zara? = Wier bäst du häär?
- Non dago ...? = Wie is die?
- Badakizu euskaraz? = Baale Jie Baskisk?
- Bai ote? = Wäilo, fonsälwen?
- Bizi gara! = Aal noch hier!
- Bagarela = Nicht tou
- Topa! = Goude Suundhaid!
- Hementxe! = Hier un deer!
- Geldi! = Täiwe!
- Ez dut Mahi ... = lek moate nit ...



Dissen Artikkel is n Stump.

*Hälp jadden deeran mee, dät **tou ferbeeterjen** (<https://stq.wikipedia.org/w/index.php?title=Baskisk&action=edit>).*

Fon "<https://stq.wikipedia.org/w/index.php?title=Baskisk&oldid=104788>"

Disse Siede wuude toulääst annerd uum 17:29, 8. Meerte 2013.

Die Text is unner ju Lizenz „Creative Commons Attribution/Share-Alike“ ferföigboar; Bedingengen uurhoop können anweendboar weese. Eenpeldhaide sunt in do Nutsengsbedingengen beschrieuwen.

Ouroupstatistik